



He taonga te tamaiti

Ko e tau fanau ko e tau taoga oti

Fakaholoaga Fakatoka Gahua ma e Tau Fakaakoaga

Vaha Ikiiki 2019 – 2029: Fakataitai mo fakatutala



Fakakatoatoa

Ko e mahina Apelila he tau nai, ne fakatu ai he Minisita he tau Fakaakoaga e Matakau Fakatonu ke he Minisita (Ministerial Advisory Group) ke taute taha Fakaholoaga Fakatokatoka Gahua ma e tau fakaakoaga vaha ikiiki. Ne gahua ai e Matakau Fakatonu mo e taha Matakau Gahua Fakaakoaga mo e lagomatai ki ai e Minisituli he tau Fakaakoaga. Ne fakatoka ai he Fakataitai Fakaholoaga Fakatoka Gahua lima e foliaga (Goals) ma e tau fakaakoaga vaha ikiiki ma e 10 e tau ki mua. Ko e fakakatoatoa nai he fakataitai kua fakakite ai e tau foliaga mo e tau pulega kua fakatoka ke taute. Ke totou e fakataitai katoa, mo e lafi ki ai e fakakakanoaga mo e tau magaaho ke fakagahu ai, kumi atu ke he kupega:

<https://conversation.education.govt.nz/conversations/early-learning-strategic-plan/>

Fakakiteaga liu-talimai?

Kua fiafia ni a mautolu ke moua haau a tau manatu liu talimai hagao ia ke he fakaholoaga fakataitai nai a to hoko e aho 15 ia Mati 2019.Am

Ko e kumikumiaga onolaini mo e tau tala ke he tau fono ha he: www.conversation.education.govt.nz

Maeke foki a koe ke imeli poke tohi mai kia mautolu.

Imeli: early.learning@education.govt.nz mo e tohi e tau kupu “Fakaholoaga Fakatokatoka Talimai” ke he laini higoa (subject line)

Tohi mai ke he:

Early Learning Strategic Plan feedback
Ministry of Education
P. O. Box 1666
Wellington

Fakakiteaga

Ko e puhala he tau fakaakoaga ha Niu Silani ke he tau vaha ikiiki kua maeke ai e tama ke moua e moui fiafia, akomena mo e tupu fakahaga ke he tau fakatokatokaaga kua omoi e tuaga he tama, leo vagahau mo e aga fakamotu kua mahuiga ke he tau mamatua mo e tau magafaoa.

Foliaga 1: Malikiti e mitaki ma e tau fanau ka omoi e tau puhala kua fakamau

1.1 Fuafua e tau numela (ratio) foou he matua:tama ma e tau mukemuke mo e tau fanau ikiiki

Ka tokoluga e numela latio he matua:tama to maeke he tau matua ke leveki fakamitaki e tau muke mo e tau fanau ikiiki. Ko e latio matua:tama tokolalo ha Niu Silani he tau fanau ki lalo he 3 tau ne nakai mitaki ka fakatatai mo e kitiaaga kua fakatokatoka mo e tau latio he tau kautu OECD ne tatai.

Kua fakatoka ai ke tuku hake e tau latio he faiaoga ke he tama ki lalo he 3 tau ke he ua e vahega: ko e 1:4 ma e tau fanau ki lalo he 2 tau, mo e 1:5 ma e fanau kua tu e 2 tau.

Tau moui	Ki lalo he 2 tau	2 e tau	3 tau ki luga
Tau latio ai nei	1:5	1:10	
Latio fakataitai	1:4	1:5	1:10

Manatu: ko e tau latio matua:tama kua fuafua ni ke he numela katoa he seneta kae nakai fuafua ke he tau tau moui he tau fanau.

Ko e hikiaga nai to taute fakahaga, kamata ke he fakatupe ke malikiti mua ma e tau fanau ki lalo hifo he 2 tau, to matutaki e tau kitekiteaga gahua. Matutaki atu, ke he tau tupe moua ma e tau fanau 2 tau, to matutaki e tau kitekiteaga gahua.

1.2 Fakatokatoka e tau fakaakoaga vaha ikiiki ke omoi e tau fakafetuiaga kua tumau mo e fakatatai ma e tau fanau otu

Kua kitia ai ke he tau kumikumiaga, kua lata ni e tau fanau ke moua e tau fakafetuiaga mo e tau mamatua ne kua tumau, fakatatai mo e gahuahua.

Kua pulega ai ke fakatoka ke he tau fakaakoaga vaha ikiiki ke fakakite e puhala kua fakaaoga he tau faiaoga he matakau ke omoi aki e tau fanau mukemuke mo e tau fanau ikiiki ke moua e tau levekiaga kua tumau mo e fakatatai. Kua lata foki kia lautolu ke fakakite e tau puhala hikihiki fano mitaki ma e tau fanau mo e tau magafaoa. Ko e Minisituli he Tau Fakaakoaga ke gahua mo e faahi he tau fakaakoaga vaha ikiiki ke fakafeheleaki e tau tauteuteaga kua gahua mitaki.

1.3 Fakaohooho ke 100% mo e fakamau he 80% e tau faiaoga fai fakamailoga ke he tau seneta ne takitaki ni he tau faiaoga, ato hoko atu ke he fakamauaga 100%.

Ko e tau fakamailoga ma e faiaoga kua mahuiga ke he tau fakaakoaga mitaki, tuga a nai, ke fakaata e tau fakafetuiaga mahuiga ma e tau fanau.

Kua fakatoka ke lagaki hake e pasene he tau faiaoga fai fakamailoga ke takitaki, ke he tau seneta gahua, mai he 50% ke he 80% a to hoko e tau 2022 a to moua e 100%.

Ko e hikiaga nai to taute fakahaga, kae kamata aki e tau fakaohooho ke moua e tupe ka 100%.

1.4 Taute e fakakiteaga ke he lahi he matakau, talagaaga he tau gahuaaga mo e tau kalakala kaina.

Ko e tau matakau ikiiki ne kua kitia e mitaki, mua atu ke he tau fanau ikiiki mo lautolu ha ha he tau nonofoaga kua nakai hagahaga mitaki. Lafi atu, ko e tau nonofoaga kua mafana, laulahi mo e ataina e tau fanau ke he tau mena i fafo kua mahuiga ke he tuaga malolo mo e fakaakoaga he tau fanau. Pehe e tau kumikumiaga ko e lahi he matakau mo e lahi he tau takeleaga kua fakapiki ua ni.

Kua pulega ai ke taute e tau talahauaga loga mo e hokulo ke he tau fakafetuiaga he lahi he matakau mo e tau fakalavelave he tau takeleaga, mo e taute fefe e tau mena ke lagaki hake e mitaki ma e tau matakavi ia. Ka pehe mai e tau talahauaga kua lata ni ke fai fakatokaaga hiki, to kikite ai mogoia ke he tau puhalia fakatupe.

1.5 Tuku ke he Kasete e *Te Whāriki* ke omoi e tau fakafetuiaga fakafeheleaki

Kua pulega ai ke tuku ke he kasete e tau fakatufono, tau fakaakoaga, tau foliaga mo e tau palepale ne kua toka ai ke he kalikilamu vaha ikiiki, *Te Whāriki: He whāriki mātauranga mō ngā mokopuna o Aotearoa*. Ko e fakamau faka-kasete ke fakamalolo aki e tuaga faka-mata-fakatufono he *Te Whāriki* mo e fakakiteaki e tau kitiaaga ke moua he tau fanau oti e kalikilami uho mo e fakamalolo.

1.6 Taofi e tau levekiaga foaki ne nakai mitaki ke ua liu fakatu ha levekiaga foki

Ko e ai nei maeke he tau levekiaga foaki mo e tau fakamauaga gahua kua nakai mitaki ke liu fakatu e tau levekiaga foou, kaeke kua katoa e tau mena ne lata ke fai laisini he magaaho ne hafagi ai.

Kua pulega ai ko e tau levekiaga foaki ai nei ke kumi fakamua e ‘fakaataaga ke fakalaulahi’. To fakatoka ai ke fakakite e lautolu kua ha i ai e makaukau, lotomatala ke he tau fakatufono leveki mo e makaka ke leveki mo e takitaki. Ko e kakano to nakai talia e tau foaki leveki mo e tau fakamauaga kelea ke fakalaulahi ka nakai fai fakaataaga.

1.7 Fakalahi e kitekiaga ke he tau levekiaga

Kua pulega ai ke fakatoka e fakaholoaga kua tumau mo e malolo ke kumikumi, lafi ki ai e tau ahiahi he ha magaaho ni mai he Minisituli he Tau Fakaakoaga poke Ofisa Fifili he Tau Aoga (ERO). Ko e tau levekiaga foki ke fakakite ke he tau matua poke magafaoa kaeke kua fakagahua e aoga he laisini ke he magaaho fafati, mo e talaage ke he tau matua mo e magafaoa e kakano ko e ha mo e heigoa kua taute ai ke hiki e tuaga na. Kaeke kua fakagahua tumau e levekiaga he laisini he magaaho fafati, to maeke ke hiki ai e tau fakatufono leveki ke maeke ke taofi e laisini he aoga ia. Ka fai tuaha lahi ke he taha e aoga to maeke foki ni ke kumikumi ke he tau aoga oti i lalo hifo he laisini taha ia ni.

Foliaga 2: To fakamalolo e tama kaeke kua moua tuai e tau koloa kua tonuhia ke tupu mitaki ai

2.1 Fakamooli ko e tau tupe fakatatai ke lagomatai aki e tau fanau kua tonuhia ki ai

Foaki he Fakatufono ai nei e tau tupe fakatatai mo e tau tupe ma lautolu kua nakai tutu mitaki ke lagomatai aki e tau fanau ke oatu ke he tau fakaakoaga mitaki mo e ke moua e lagomatai akomena kua tonuhia ki ai. Kua pulega ai ke liu fifili e fakatupeaga nai ke lagomatai aki ni e tau fanau kua fakafita ki ai. Ko e fifiliaga ke lauia e lahi mo e puhala foaki poke ke moua ai.

2.2 Fakatau taute e tau puhala fakaholo ki mua ke omoi e tau fakaakoaga mo e tau tuaga malolo he tau fanau

Ko e ai nei, nakai loga e tau puhala ke fakamaama aki e fakaholo ki mua he tau makaka kehekehe he tau fanau ne kitia ai ke he *Te Whāriki*. Ligaliga kua tonuhia foki ni e falu fanau ke moua lagomatai ma e tau malolo tino, tuaga mitaki poke leo vagahau.

Kua pulega ai ko e Minisituli he tau Fakaakoaga ke gahua mo e faahi fakaako vaha ikiiki ke taute e tau puhala fakaholo ki mua kua tonuhia, mau mitaki mo e lauia e tau aga motu ke fuafua aki fakahaga e fakaakoaga mo e tupuaga lotomatala he tau fanau, ne tohia ai ke he tau fakatokaaga he *Te Whāriki*. Ko e tau puhala nai ke moua e tau fakatonuaga ke lagomatai aki e tau fakaakoaga mo e tau tutuaga he tau fanau mo e kitia ai kua lata nakai ke moua falu lagomatai fakasipelisi poke falu a lagomatai hehele tuai.

2.3 Fakalaulahi e numela he tau fakaakoaga vaha ikiiki kua fakaaoga e tau foakiaga leveki viko-takai ke lagomatai aki e tau fanau mo e tau magafaoa

To gahua e Minisituli mo e tau fakaakoaga vaha ikiiki mo e falu matakau foki ke fakakite e tau mena mitaki kua kitia ke he tau fakaakoaga vaha ikiiki ne fakaaoga e tau levekiaga fakafetui mo e malolo tino. Ko e tau levekiaga nai ke lauia ai e tau ahiahi he nosi, iwi mo e fakafetuiaga magafaoa Mauli, tau fakaakoaga fakaoga tupe mo e leveki he loto manamanatu. To foaki he Minisituli e tau talahau hagao ke he tau puhala gahua auloa kua kautu mo e fakagahua ai ke he tau matakavi kehekehe.

Foliaga 3: Ko e fakatupuaga he tau gahuaaga ne omoi ai e mitaki ue atu he tau fakaakoaga mo e akoaga mena he tau levekiaga oti

3.1 Lagaki hake e fakatataiaga mo e lahi he tau vahega totogi mo e tau puhala gahua ma e tau faiaoga he tau fakaakoaga vaha ikiiki oti

Ko e kehekehe he tau totogi mo e tau puhala gahua he tau fakaakoaga vaha ikiiki ne fa lagakina e tau faiaoga ke o kehe mo e fakapukilu e tau puhala gahua ma e tau faiaoga ke fakatokatoka tumau e tau mena fakaako ma e tau fanau. Nakai tutu mitaki e tau tauteaga ia ma e tau fanau.

Kua pulega ai ke fakatu taha puhala lagomatai he fakatufono ke fakatatai mo e lagaki e tau totogi he tau faiaoga mo e tau puhala gahua he tau fakaakoaga vaha ikiiki. To lagomatai foki e tau aoga ne kua tokologa e tau fanau mai he tau kaina kua nakai katoatoa e tau mena moua ke fakaohooho mo e moua e tau faiaoga makaukau mo e lotomatala.

3.2 Fakamalolo e tau Fakaakoaga Ako Faiaoga Fakamua

Kua kamata tuai e gahua ke lagaki hake e tau fakaakoaga ako faiaoga fakamua.

Kua pulega ai ke omoi e tau fakaakoaga faiaoga fakamua ke maeke e tau faiaoga fakamailoga fou ke fakaakoaga e *Te Whāriki*. Ko e tau mena tuga e fakatatai e fakaakoaga, kehe e malolo he fakamailoga, tau puhala loga ke gahua faiaoga, mo e tau faiaoga tokologa ke kikite ki ai. Kua fakatoka ai foki ko e tau fakaakoaga gahua fakalaulahi ke lagomatai e tau aoga ke fakamalolo e tau faiaoga akomena.

3.3 Fakatolomaki e tau fakaakoaga mo e atihake aga he gahua

Kua pulega ai ke fakatupu poke atihake e tauteaga fakatumau mo e fakatokatoka ke he tau PLD (Fakaakoaga ke he Gahuaaga), ke fakamalolo e makaukau mo e aoga he tau faiaoga, kaiako, tagata fakaako mo e tau takitaki. To moua ke he PLD e tau ataina ke fakaako mena auloa mo e omoi e tau gahua he kalikilamu, maama e te ao Māori mo e makaka he te reo Māori, lotomatala ke he tau aga fakamotu, lotomatala faka-tititolo mo e lotomatala ke takitaki.

3.4 Fakatoka e taha puhala moua tagata gahua

Kua pulega ai ke fakatoka e taha puhala ke moua tumau e tau tagata gahua ti lauia ai e tau puhala ke moua vave e tau fakamailoga fakaako he vaha ikiiki.

To lauia ai e fakalaulahiaga he tau polokalame sikolasipi ne foaki e tau tupe mo e totogi e tau fakaakoga he tau akomena he tau fakaako fakaakoaga vaha ikiiki mo e tau ITE polokalame aoga pulotu mo e fakaohooho ke he tau akomena Māori mo e Pasifika.

To gahua foki e Minisituli he tau Fakaakoaga mo e tau fakaakoaga vaha ikiiki ke omoi e tau fakamauaga he tau koloa moua he tau fakaakoaga vaha ikiiki.

Foliaga 4: Ko e fakaholoaga ke fakamooli kua mahuiga, katoatoa mo e kehekehe he tau mena moua

4.1 Fakatoka mo e fakakite e puhala ke fifili kua lata nakai ke fakatu taha fakaakoaga vaha ikiiki foou

Ko e ai nei maeke ke fakatu e tau fakaakoaga vaha ikiiki foou kaeke kua katoatoa oti e tau mena kua lata mo e laisini. Ko e falu matakavi kua loga lahi poke tote lahi e tau numela tagata kua lata ke ha ha i ai, poke nakai lata e tau fakatokaaga ma e tau matua mo e magafaoa.

Kua pulega ai ke foaki ni e laisini ma e tau ole laisini foou kaeke kua lata e matakavi ia ke moua e taha aoga foou.

4.2 Foaki e tau lagomatai ke takitaki mo e leveki ke he tau aoga matakavi

To lafi ki luga e tau fakailoaaga mo e tau lagomatai ke he tau fakaakoaga matakavi ke maeke ke taute e tau fakagahuaaga mo e levekiaga. Ko e kakano to moua ai foki e falu koloa mo e tau fakaakoaga, lafi ki ai e tau lagomatai hokulo, mata ke he mata.

4.3 Omoi e fakatuaga mo e levekiaga he tau fakaakoaga vaha ikiiki ke he tau fonua Fatatufono ne leveki ai he Minisituli he tau Fakaakoaga

Foaki he Minisituli e vala kaina kaeke kua fai ke fakatu e aoga vaha ikiiki, tata ke he tau pulaemeli. To lagomatai foki ke taute e tau puhala foou ke fakapikipiki atu ke he tau aoga mo e tau kura.

To fakakite fakatonu foki he Minisituli e tau onoonoaga ke he tau mouaaga vala kelekele, mo e tau levekiaga ke he tau fale aoga.

4.4 Fakatau taute e taha puhala fakatupe mo e Te Kohanga Trust

Ko e Te Kōhanga Reo ko e puhala fakalaulahi faka-Māori ke fakatumau mo e fakamalolo e vagahau Māori mo e tau fakaakoaga ke he tau aga fakamotu ne fakaohooho ai he tau mamatua Māori he tau 1982. Ke matutaki ke omoi e tauteaga uho nai, to fakatau taute he Minisituli he tau Fakaakoaga e puhala fakatupe mo e Te Kōhanga Reo National Trust ne kua fakatatai mo e tau fifiliaga he Waitangi Tribunal mo e fakatautonu ha lautolu a manako.

4.5 Fakatau taute e taha puhala fakatupe mo e Playcentre Federation

Ko e Peleseneta ko e puhala ha Niu Silani ni ne kikite ke he tau mamatua ko e tau faiaoga uho fakamua he tau fanau. Tote hifo e totogi he tau faiaoga he tau peleseneta ka fakattai ke he tau faiaoga he tau levekiaga takitaki he faiaoga ha ko e tau matua poke magafaoa e tau tagata fakaako. Ko e tau totogi fakagahua liga nakai kitia mitaki ke he puhala fakatupe ai nai. Ke matutaki ke omoi e tau seneta ia ko e tau levekiaga mahuiga, to fakatau taute he Minisituli e taha puhala kua tonu.

4.6 Fakatoka ke taute e taha fakaakoaga vaha ikiiki he fakatufono ne kua maeke ke taute e tau kumikumiaga

Ko e falu matakavi, kua nakai fai fakaakoaga vaha ikiiki ne kua tau mukamuka, mitaki lahi mo e matutaki ke he tau aga fakamotu.

Kua pulega ai ke taute tolu e fakaakoaga vaha ikiiki, ne kua fakatupe, fakagahua mo e leveki he fakatufono.

Ko e tau fakaakoaga nai to matutaki ai ke he tau fakaakoaga malolo tino mo e levekiaga tagata ke lagomatai e tau tutuaga he tau matua, tau magafaoa mo e tau fanau. To liga fai puhala kumikumi, ke omoi e lotomatala mo e maamaaga ke he tau levekiaga malolo, mo e fina atu ke he tau aoga.

Foliaga 5: Ko e tau fakaakoaga vaha ikiiki ha ne matutaki agaia ke fakaohooho, ako mena mo e fakaholo ki mua

5.1 Fakatu e tau levekiaga fakaohooho ma e tau fakaakoaga vaha ikiiki

Kua pulega ai ke fakagahua konotuleke e fakalaulahiaga he tau kaina fakaohooho. Ko e kitiaaga ko e tau kaina nai ke maeke he tau aoga ke moua e tau puhala kehekehe mo taute mena mo e tau tagata kumikumi ke fakaako e tau tagata ke taute mena mo e kumikumi.

5.2 Omoi e tau aoga vaha ikiiki ke fakatau gahua mo e falu fakaakoaga leveki

Mahuiga e gahua auloa ke tufatufa e tau puhala mitaki mo e omoi e matutakiaga ke he tau aoga.

Kua pulega ai ke foaki atu foki falu lagomatai ke he tau aoga vaha ikiiki ke fakafetui mo e tau aoga/kura ke he tau Takeleaga he tau Fakaakoaga | Kāhui Ako, mo e ke maeke ia lautolu ke matutaki ke gahua auloa mo e falu levekiaga foki he faahi fakaako mo e falu faahi gahua foki.

5.3 Omoi e tau fifiliaga kumikumi ni he aoga ke tumau e holoaga ki mua

Kua pulega ai ke fakatau gahua e Minisituli he tau Fakaakoaga mo e (Ofisa Fifiliaga Fakaakoaga) ERO ke lagomatai e tau fakaakoaga ke kumikumi fifili ni e ha lautolu a tau gahuaaga. To fakamalolo ai e fakaaogaaga he *Te Whāriki* mo e fakamooli e tau fakaholoaga ki mua.

Heigoa e kakano he tauteaga nai ma e tau matua mo e tau magafaoa

Malikitihake e mitaki

Ko e loga he tau pulega ke he fakaholoaga nai hagaoai ke he atihakeaga he mitaki he tau leveki, fakaakoaga mo e akoaga mena ne kua lauia ai e tau fanau ke he tau fakaakoaga vaha ikiiki.

Ka malikitihake e tau numela latio matua:tama, malikitihake e tau numela faiaoga kua fai fakamailoga, mo e fakatumau e tau levekiaga kua fakatai ti kua lata ni ke moua he tau fanau e tau fakafetuiaga gahua mo e tau tagata momotua ne fae leveki ke he tau fakaakoaga mo e fakalaulahiaga he tau fanau.

Ka atihake e tau kau gahua he tau aoga vaha ikiiki to lagomatai ai ke omoi mo e fakamooli ke moua e tau faiaoga lotomatala, kaiako mo e tau tagata fakaako mo e fakakite ai e laulahi he kautu ko Niu Silani. Ka malikitihake e tau totogi mo e tau puhala gahua he tau faiaoga ti toho mai mo e taofi e tau faiaoga ke ua o kehe. Ka malikitihake e tau puhala gahua to ligamoua he tau faiaoga e taha magaaaho ke fakafetui mo e tau matua mo e tau magafaoa mo e fakafita mo lautolu ke he tau fakatokaaga he kalikilamu mo e tufatufa foki he tau talahauaga ke he tau fanau.

Ke lalafi ki ai, ka omoi e tau kumikumiaga mo e fakaohoohoaga to amanaki a tautolu ke tupu fakalaulahi e tau fakaakoaga vaha ikiiki, mo e tau lotomatala foou ke lagomatai aki e tau fanau, tau matua mo e tau magafaoa.

Fakamalikitihake e tau fakataiaga

Ko e ai nei kua foaki he Minisituli e falu fakatupeaga lafi ki luga ma e tau fakaakoaga vaha ikiiki to lagomatai aki e tau matakavi maaga ne hagahaga kelea. Kua fakataitai ai ke liu fifili ke he fakatupeaga nai to kikite poke kua faakaoga mitaki nakai mo e moua ni he tau fanau ne kua tonuhia ki ai. Ko e pulega ke atihake e

tau puhala fakaholo ki mua to lagomatai ai e tau faiaoga ke fifili/fuafua e tau fakaakoaga mo e tutuaga mitaki he tau fanau ke maeke ke fakatoka tonu ni e tau fakaakoaga kua lata mo e tau fanau.

Fakataaga ke fifili

Kua pulega ai ke matutaki e Minisituli he tau Fakaakoaga ke he tau fakaholoaga kua lauia ai e hafagiaga he tau aoga foou, ka muitua ke he puke tagata mo e tau fakaakoaga mahuiga ke he tau matua mo e tau magafaoa. Ko e kakano ni ke fakamalolo e tau fakatokaaga ke he te reo Māori ke kitia e tau puhala ma e tau fanau ke he tau aoga vagahau Māori mo e tau kura.

Ko e falu magaaho, ko e tau fifiliaga he Minisituli ke he tau fakaakoaga fefe mo e matakavi fe ke hafagi ai to lauia ai e fifiliaga ke fakaoti e ha fakaakoaga kua nakai mitaki poke taofi e levekiaga ke ua maeke ke fakalaulahi atu.

Ko e tau pulega ke liu fifili ke he fakatupeaga he ngā kōhangā reo mo e tau peleseneta kua fakatoka ai ke fakamooli ko e tau levekiaga mahuiga nai ke fakatumau mo e fakamalolo. Ko e tau lagomatai fakaako ke takitaki mo e levekiag kua lafi ki luga ma e tau aoga matakavi kua amanaki ke fakamitaki e tau gahua fakatokatoka he tau matua mo e tau tagata he matakavi.

Lafi atu nakai e tau totogiaga nai ma e tau mamatua mo e tau magafaoa?

Kua fakaoga he fakatufono ai nei liga \$1.8 e piliona he taha e tau ma e tau gahua he tau fakaakoaga vaha ikiiki. Ko e fakatupeaga nai kua totogi ke he tau levekiaga ma e tau vahega mena tuga e totogi he 30 e tula he faahi tapu ke oatu e tau fanau he tau aoga (6 e tula he aho). Ko e tau fanau ki luga he taki 3 tau kua moua he fakatupeaga lafi ki luga ne 20 e tula he faahi tapu (20 e tula ECE). Loga he tau levekiaga ne fatifati ai foki e tau tupe ke totogi poke kumi mena atu foaki ke he tau mamatua. Pete ni kua fakamau fakagahua mo e fakatupe he fakatufono, ka ko e tau levekiaga tutu taki tokotaha ti igatia ni mo e ha lautolu a tau puhala fakagahua.

Ko e falu pulega he fakaholoaga fakataitai nai to malikitī hake ai e tau totogi he tau levekiaga ma e tau vaha ikiiki. Ko e amanakiaga he fakaholoaga fakataitai nai ke nakai fai hiki e tau totogi ma e tau mamatua, poke fakatau mukamuka atu ma e falu ne hagahaha kelea he oatu ke he tau fakaakoaga ha ko e tau totogi. Ko e amanakiaga ke he fakamooliaga he tau pulega oti, to maeke ni kaeke kua fai lagomatai lafi ki luga e fakatufono.

Ko e kakano he fakaholoaga fakataitai ke fuafua e mamafa he omoiaga ke he tau pulega takitaha. Ka moua oti e tau liu talimai to gahua ai foki ke fifili e tau tutuaga mo e fakatoka e fakaholoaga fakagahua he tau fakaohohoaga foou.

Fakatokatokaaga he tau magaaho ke fakagahua ai

Ko e tau foliaga mo e tau pulega ke he fakaholoaga fakataitai nai kua toka ai e gefefefetuiaga mo e to lagomatai ai ke fakahagaae e tau talagaaga fakagahua ki mua ma e tau fakaakoaga vaha ikiiki. Ko e fakatoka magaaho ke kitia e tau gahua he magaaho ku, vahaloto mo e vaha loa ne kua fakatipa ki ai e fenoga ha tautolu ke he fakatino he fakaholoaga nai.

Tau Manamanatuaga: Ko e fakagahuaaga he tau pulega he Fakaholoaga Fakatoka Gahua to uta ni ke he taliaaga he Kapaneta he tau pulega takitaha mo e tau gahua fakatokatoka he tau Fatifatiaga Tupe anoiha.

Fakaholoaga Fakatoka Gahua ma e Tau Fakaakoaga Vaha Ikiiki

Fakatokaaga he fakaholoaga fakagahua

Foliaga 1

Lagaki he mitaki ma e tau fanau

Magaaho Ku

He Vahaloto

Magaaho Loa

Fakahoooho ti fakamau e tau numela matua : tama ma e tau fanau i lalo he taki 2 e tau

Fakatoka ke he tau aoga ke omoi e tau fakafetuiaga kua tumau mo e fakatai ma e tau fanau

Fakahoooho ke 100% e tau faiaoga fai fakamailoga
he tau seneta ne takitaki ni he tau faiaoga

Fakamau ke 80% e tau faiaoga he tau seneta takitaki
ni he tau faiaoga ato hoko e tau 2022

Fakahoooho to tu fakatufono e tau latio matua : tama ma e tau fanau taki 2 tau

Fakatoka e tau fakaloaga ke he lahi he matakau mo e tau kalakala tutakai

Tuku he Kasete e Te Whāriki ke omoi e tau amaamanakiaga auloa

Taofie tau foaki levekiaga nakai mitaki ke ua fakatu e ha fakaakoaga foou

Fakalahi e tau kitekiteaga ke he tau fakaakoaga

Fakamau ke 100% e tau faiaoga he tau seneta takitaki ni he tau faiaoga

Foliaga 2

Fakamalolo oti e tau fanau

Fakamooli ko e tau tupe fakatai ke lagomatai ni he tau fanau kua lata ke moua

Fakatau taute e tau puhalo fakaholo ki mua ke omoi e tau fakaakoaga mo e tuaga mitaki he tau fanau

Fakatu ke loga e tau aoga vaha ikiiki ne fae omoi e tau levekiaga viko takai

Foliaga 3

Lagomatai ha tautolu a kau gahua

Lagaki e fakatai mo e tau totogi faiaoga pihia mo e tau puhalo gahua

Fakamalolo e Tau Fakaakoaga Ako-Faiaoga Fakamua

Lagaki hake e tau fakaakoaga mo e tau fakalaulahiaga ke he gahua

Fakatoka e puhalo ke moua tumau e tau tagata gahua

Fakatoka mo e fakakite e puhalo ke fifili kua lata nakai ke fakatu e taha fakaakoaga vaha ikiiki foou

Foaki e tau lagomatai ke takitaki mo e leveki ma e tau fakaakoaga matakavi

Omoi ke fakatu mo e leveki e tau fakaakoaga vaha ikiiki ke he tau fonua Minisituli

Fakatau taute e taha puhalo fakatupe mitaki mo e Te Kōhanga Reo National Trust

Fakatau taute e taha puhalo fakatupe mitaki mo e NZ Playcentre Federation

Kikite ke fakatu e tau fakaakoaga vaha ikiiki ma e fakatufono

Foliaga 4

Tau koloa ma e fakaholoaga

Omoi e tau fakaakoaga vaha ikiiki ke fakatau gahua mo e falu levekiaga fakaako

Omoi e tau fifiliaga kumikumi he aoga ke fakatumau e fakaholoaga ki mua

Fakatu e tau fakafetuiaga fakahoooho ma e tau fakaakoaga vaha ikiiki

Foliaga 5

Faohoooho mo e atihake